

## 三月诗句

1.  
二月已破三月来，渐老逢春能几回？莫思身外无穷事，且尽生前有限杯。  
——杜甫《绝句漫兴九首·其一》
2.  
三月正当三十日，风光别我苦吟身。共君今夜不须睡，未到晓钟犹是春。  
——贾岛《三月晦日送春》
3.  
结庐在人境，而无车马喧。问君何能尔？心远地自偏。采菊东篱下，悠然见南山。山气日夕佳，飞鸟相与还。此中有真意，欲辨已忘言。  
——陶渊明《饮酒》
4.  
浓阴柳色罩窗纱，风送炉烟一缕斜。庭草黄昏随意绿，子规啼上木兰花。  
——王女郎《王女郎》
5.  
独有宦游人，偏惊物候新。云霞出海曙，梅柳渡江春。  
——杜审言《和晋陵陆丞早春游望》
6.  
三月牡丹呈艳态。壮观人间春世界。鲛绡玉槛作扃栊，淹雅洞中王母队。  
不奈风吹兼日晒。国貌天香无物赛。直须共赏莫轻孤，回首万金何处买。  
——杜安世《玉楼春·三月牡丹呈艳态》
7.  
好雨知时节，当春乃发生。随风潜入夜，润物细无声。野径云俱黑，江

船火独明。晓看红湿处，花重锦官城。——杜甫《春夜喜雨》

8.  
暮春风景初三日，流世光阴半百年。欲作闲游无好伴，半江惆怅却回船。  
——白居易《三月三日》

9.  
风前欲劝春光住，春在城南芳草路。未随流落水边花，且作飘零泥上絮。  
镜中已觉星星误，人不负春春自负。梦回人远许多愁，只在梨花风雨处。  
——辛弃疾《玉楼春》

10.  
辛酉仲春游坎上，终日坐春园。异景奇葩在目前。村下胜筠轩。世梦知空且放下，自在似真仙。美酝开尊会众贤。乐道谢高天。  
——刘处玄《武陵春·辛酉仲春游坎上》

11.  
轻轻制舞衣，小小裁歌扇。三月柳浓时，又向津亭见。垂泪送行人，湿破红妆面。玉指袖中弹，一曲清商怨。  
——晏几道《生查子》

12.枝上柳绵吹又少，天涯何处无芳草？——苏轼《蝶恋花·春景》

13.  
莺嘴啄花红溜，燕尾点波绿皱。指冷玉笙寒，吹彻小梅春透。依旧，依旧，人与绿杨俱瘦。  
——秦观《如梦令·春景》

14.  
川明气已变，岩寒云尚拥。南亭草心绿，春塘泉脉动。景煦听禽响，雨馀看柳重。逍遥池馆华，益愧专城宠。  
——韦应物《春游南亭》

15.  
辛夷才谢小桃发，蹋青过后寒食前。四时最好是三月，一去不回唯少年。  
吴国地遥江接海，汉陵魂断草连天。新愁旧恨真无奈，须就邻家瓮底眠。  
——韩偓《三月》

16.

三月桃花浪，江流复旧痕。朝来没沙尾，碧色动柴门。接缕垂芳饵，连筒灌小园。已添无数鸟，争浴故相喧。——杜甫《春水》

17.

风和宿雨晴，幽履出柴荆。好鸟各相语，野花如有情。心閒何用隐，身健岂须名。今日不行乐，真成孤此生。——释文珣《春游》

18.

露堤平，烟墅杳。乱碧萋萋，雨后江天晓。独有庾郎年最少。窈地春袍，嫩色宜相照。接长亭，迷远道。堪怨王孙，不记归期早。落尽梨花春又了。满地残阳，翠色和烟老。——梅尧臣《江神子·草》

19.

莫道梨花瘦，杨花更可怜。随风消雨恨，总在客窗前。——刘涣《春日漫兴》

20.

过尽清明三月雨，东风才到溪滨。画工传得已非真。青君著意处，桃李未为伦。倚槛盈盈如欲语，就中拈足花神。自然亭馆一番新。从今观绝品，不独洛阳人。——沈蔚《临江仙》

21.

一帘红雨桃花谢，十里清阴柳影斜。洛阳花酒一时别。春去也，闲煞旧蜂蝶。——胡祇遹《阳春曲·春景》

22.

春城儿女纵春游，醉倚层台笑上楼。满眼落花多少意，若何无个解春愁。——王令《春游》

23.青箬笠，绿蓑衣，斜风细雨不须归。——张志和《渔歌子》

24.

我昔少年日，种松满东岗。初移一寸根，琐细如插秧。——苏轼《戏作》

种松》

25.

雨过苔犹湿，风来户半开。闲花忽落尽，啼鸟自飞来。——利登《春日》

26.

杨柳青青江水平，闻郎江上踏歌声。东边日出西边雨，道是无晴却有晴。  
。——刘禹锡《竹枝词二首·其一》

27.

胜日寻芳泗水滨，无边光景一时新。等闲识得东风面，万紫千红总是春。  
。——朱熹《春日》

28.

潇湘江头三月春，柳条弄日摇黄金。鸂鶒一声在何许，黄陵庙前烟霭深。  
。丹青欲画无好手，稳提玉勒沈吟久。马蹄不为行客留，心挂长林屡回首。  
。——黄文《湘江》

29.

芳处亦将枯槁同，应缘造化未施功。羲和若拟动炉鞴，先铸曲江千树红。  
。——施肩吾《早春游曲江》

30.

去去行人远，尘随马不穷。旅情斜日后，春色早烟中。流水穿空馆，闲  
花发故宫。旧乡千里思，池上绿杨风。——贾岛《春行》

31.

垂杨拂绿水，摇艳东风年。花明玉关雪，叶暖金窗烟。美人结长想，对  
此心凄然。攀条折春色，远寄龙庭前。——李白《折杨柳》

32.

别墅军城下，闲喧未可齐。春深花蝶梦，晓隔柳烟鞞。韶景浮寒水，疏  
杨映绿堤。沿洄看竹色，来往听莺啼。久慢持生术，多亲种药畦。家贫

知素行，心苦见清溪。越客初投分，南枝得寄栖。禅机空寂寞，雅趣赖招携。本寺重江外，游方二室西。裴回恋知己，日夕草萋萋。——清江《春游司直城西鸚鵡谿别业》

本文链接：<https://duanjuziku.com/duanjuzi/3cmg8h4vdy.html>